

Naqqiut

Siunersuummut 9. august 2016-imeersumut taartaasoq
(Kalaallisut siunnersuummut oqaasertanik iluarsiiisoqarpoq)

**Uunga siunnersuut: KNI A/S pillugu Inatsisartut peqqussutaata
allanngortinneqarneranik Inatsisartut inatsisaat nr. xx, xx 2016-imeersoq.**
(Ingerlatseqatigiiffissuup KNI-p suliaasaasa killilerneqarnerat)

§ 1

KNI A/S pillugu inatsisartut peqqussutaanni nr. 4, 6. juni 1997-imeersumi Inatsisartut inatsisaanni nr. 1, 31. maj 2001-imeersumi aamma Inatsisartut peqqussutaanni nr. 7, 14. oktober 2004-imeersumi allannguuteqartinneqartumi makkua allanngortinneqarput:

1. § 2 imatut oqaasertalerneqassaaq:

” **§ 2.** KNI A/S nalinginnaasumik niuerneramik tunngaveqarluni quersuarniit pisiniarfinniillu niuerneramik aamma allanik niuerneramik tunngaveqarluni ingerlatanik tamatumunnga atasunik siunertat malittarisassani allassimasut naapertorlugit ingerlatsissaaq.

Imm. 2. KNI A/S ingerlatseqatigiiffinni aqutamini tamakkiisumik ilaannakuusumilluunniit pigisamini suliffeqarfiit allat suleqatigalugit allanillu ateqartitsillutik ingerlatsinini ingerlassinnaavaa.

Imm. 3. Naalackersuisut KNI A/S pisussaaffilersinnaavaat nioqputissanik ulluinnarsiutinik, inuussutissarsiornermut atortunik, ikummatissanik imerpalasunik pilersuinermi pisortat sullissinerat pillugu nalinginnaasumik niuerneramik tunngaveqarnermik atugassaqartitsilluni isumaqatigiissuteqartarnissaanut..

Imm. 4. Namminersorlutik Oqartussanut, suliffeqarfinnut, kattuffinnut imaluunniit Kalaallit Nunaanni pisortat sullissiviinut suliaassanik allanik najukkami inuiaqatigiinnut, KNI A/S-ip suliaqarfigisaanni, nalinginnaasumik pingaaruteqartunik isumaginninnissaq pillugu atugassarititaasut niuerneramik tunngaveqartut tunngavigalugit isumaqatigiissuteqarnissamut KNI A/S Naalackersuisut pisussaaffilersinnaavaat.”

2. § 3 a-imi imm. 3-4-tut ilanngunneqarput:

” *Imm. 3.* Nukissiuutinut immikkoortortaqaarfiup ikummatissamik imerpalasumik tuniniaalluni ingerlatsinera avissaartillugu aamma suliaqarnerit immikkoortinneqartut aallarniutitut akiliutigalugit nutaamik aktiaatileqatigiiffimmik pilersitsinikkut, KNI A/S avinneqassasoq, Naalackersuisut akuerisinnaavaat.

Imm. 4. § 1, imm. 6-imi aamma § 3 a, imm. 1-imi aamma 2-imi aktiaatileqatigiiffik § 3 a, imm. 3 malillugit pilersinneqarsimasoq, pineqartunut ilaavoq.”

§ 2

Inatsisartut inatsisaat 1. januar 2017 atuutilerpoq.

Namminersorlutik Oqartussat, ulloq xx. xx 2016

Kim Kielsen